

痘疹中

煩躁

自汗

喘

吐利

譫妄

失血

涕淚稠粘

吐逆

驚搐

不能食

失音

瀉利

中風

咳嗽

嗆水

大小便閉

五

內閣文庫			
三〇	三〇	漢	
兩	方	書	
架	冊	號	類



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



煩躁

萬煩者擾擾而煩躁者憤躁之躁合而言之煩躁皆
熱也析而分之煩陽也熱之輕者躁陰也熱之甚者
難知集曰火入於肺煩也火入於腎躁也瘡疹煩躁
須宜忌之若吐利厥逆腹脹喘促而煩躁者昏不知
入譫妄狂擾而煩躁者謂之悶亂皆不治之證凡
痘瘡出不快發不透靨不齊有煩躁者此有二證如
面黃大便色黑煩躁喘渴或如狂或喜忘腹脹或痛
此為有瘀血在裏也宜當歸丸痘便或四順清涼飲
發熱並加桃仁泥紅花甚者桃仁承氣湯主之失血



如便血下黑糞而又睡不醒心為血之主睡不醒則
心之神昏矣玄參地黃湯失血加木通麥門冬若無
面黃尿黑如狂喜忘之證只大便不通煩躁腹脹者
此有燥屎也此却真狂譫妄以三黃丸四順清涼飲
俱發三乙承氣湯當歸丸膽導法俱便看病輕重擇
而用之如偏執不可下之說以致陷伏而死者醫之
咎也 薛東垣云火入於心則煩入於腎則躁皆心
火為之蓋火旺則金爍水虧故心腎合而為躁宜用
梔子豆豉湯凡痘瘡盛作之時必令心火有所導引
苟或毒氣出而未盡遂生煩躁以生黑舌煎湯或生

犀磨汁飲之亦可若津液不足虛煩不得卧者活人
酸棗仁湯此證多因脾胃氣虛或服剋伐之劑所致
但當調補中氣為善

萬如肺熱而煩者坐卧不安審於何時若初發熱便
煩者此毒火內鬱人參白虎湯發熱加梔子仁主之
若瘡發見猶煩者此毒伏於內未盡出也消毒飲見
形奪命丹起發合而服之若瘡出盡又已起發猶煩
者此內熱也牛黃清心丸主之 如腎熱而躁者必
曾自利輕則陳氏木香散瀉甚則陳氏異攻散見形
主之 如揚手擲足欲去衣被者此熱甚於表也羌

活湯主之瀉青丸去大黃加甘草如神識昏迷反覆顛倒者此熱甚於裏也導赤散心牛黃清心丸合而治之吐利不食而煩躁者正氣虛也陳氏木香散主之如晝日煩躁夜則安靜者此陽盛於晝至夜則陽氣退而安靜也人參白虎湯加梔子仁主之如晝日明了夜則煩躁者此陽陷入於陰夜則陰盛陰陽交爭故煩躁也四物湯加梔子仁主之活人酸棗仁湯治痘疹虛煩驚悸不得眠酸棗仁炒甘草炙知母炒白茯苓麥門冬去心川芎

乾薑炒各參分

右水煎溫服兒大倍之

梔子豆豉湯

山梔肆箇豆豉半兩

右水二盞先煮梔子一盞內豆豉煎至七分去滓

溫服得快吐即止

黃連解毒湯治發癍熱甚心煩不得眠

黃連黃芩黃蘗

山梔各等分

右每服四錢水一鍾煎五分溫服若癍毒甚者

豆豉厚 切十五 六六

加青黛壹錢調入湯內服之
凡脈弦數內外熱
甚譫語者合小柴胡湯主之
若脈洪數內外熱
甚舌燥煩渴者合化癍湯主之
牛黃清心丸

黃連伍錢

黃芩

山梔仁各參錢

鬱金貳錢

辰砂壹錢

牛黃貳分

共研細末臘雪調麩糊丸如黍米大每服七八丸
燈心湯送下

人參蟬蛻散 治小便不利痘瘡不發煩躁作渴咬牙喘滿

人參

蟬蛻

白芍藥

木通

赤茯苓

甘草

紫草茸

右每服三四錢水煎

人參竹葉湯 治虛煩不得寐或兼自汗

人參

竹葉

甘草各貳錢

半夏貳錢

小麥

麥門冬各壹錢

右每服二三錢薑二片粳米一撮水煎服

譫妄

譫多言也。妄虛妄也。譫妄者，妄有聞見而語言無倫也。皆邪氣熾盛，正氣虛弱，神識不清之所致。夫言為心聲，心熱則多言，睡中呢喃者，熱之微也。寤而語言差謬，熱則甚矣。亦有胃熱而譫語者，大便必鞭數日不更衣，方是。薛陳文宿先生云：痘紫色頂陷，心煩狂躁，氣喘妄語，或如見鬼神，內熱便秘者，宜用龍腦膏子豬尾膏，如無內熱，大便不實，不可輕服。竊謂前證多因初起熱盛之時，失於解利所致。亦有因痘毒未盡，有因胃經有熱，有因肺胃有熱，有因心脾有熱。

痘毒

痘毒

痘毒

本草綱目卷之二十三 藥性論 人參 小麥 甘草 白芍 茯苓 白朮 黃芩 芍藥 附子 干姜 桂枝 麻黃 杏仁 薤白 枳實 厚朴 羌活 獨活 桑寄生 杜仲 續斷 狗脊 鹿茸 虎骨 熊膽 蛇膽 蜈蚣 蟻 蠍 蜂 蟾 麝 蘇合 安息 乳香 沒藥 阿膠 龜板 鱉板 虎骨 鹿茸 虎骨 熊膽 蛇膽 蜈蚣 蟻 蠍 蜂 蟾 麝 蘇合 安息 乳香 沒藥 阿膠 龜板 鱉板

煩躁痘裂出血便血衄血尿黑痕赤詳見各證大凡
作渴發熱手足指冷或大便秘結者內有熱也切不
可禁其飲水觀張子和述水中兒事良可驗矣蓋熱
極故得水而生也 一小兒痘疹狂喘熱渴飲冷痰
涎不利先君用十六味清膈飲犀角地黃湯而痊
一小兒出痘發狂作渴飲冷此上焦熱熾也用黃連
解毒湯芹菜汁而止又用紫草快癩湯將靨因問藥
餌二日色黑倒靨用紫草散渴止又用人參白朮散
而痊 一小兒痘愈後時發狂兼喘發過面色黃白
手足拉冷此脾胃虛弱也余用補中八珍二湯各二

十餘劑或云當先降火邪而後補元氣乃服芩連朴
硝之類汗吐不止而歿

初

初發熱便妄有所見聞妄言如見鬼狀此為惡候蓋
毒攻於裏心志昏惑神識不清而然况小兒神氣怯
弱鬼魅易侵又厲鬼常乘疫氣而行乘人之虛而疔
之故凡痘疹妄見妄聞妄言如見鬼者不可治也須
審發於何臟如日直視手尋衣領亂捻物此發於肝
為亡魂悶亂喘促手拍眉目鼻向此發於肺為亡鼻
上竄咬牙多叫哭驚悸或不能言此發於心為喪神
困睡手足瘳痿不思飲食此發於脾為失意目無精

痘疹

初發

初發

痘癘
光畏明欲墜下而縮身此發於腎為失志故曰真藏
見者不治或發熱時無此證因大便秘結却有之
此內熱也先以宣風散發熱解利其熱後以導赤散
心送下牛黃清心丸驚或粉紅丸驚以鎮其神病已
者可治連作不已者勿治如胃中有燥屎三五日
未更衣者宜滌腸解毒宜四順清涼飲三黃丸俱發
主之如初發熱狂亂大便自調者五苓散加辰砂
主之大便秘者輕則黃丸甚則承氣湯主之
如起發成漿欲厲之時忽然神昏譫語者此由瘡本
稠密精血外耗不能養神宜養血瀉火安神丸主之

安神丸

黃連

白茯神

龍腦貳分

當歸身

甘草各半

麥門冬
朱砂壹兩

右為末湯浸蒸餅和獾豬心血搗勻丸如黍米大

每服十九燈心湯下

梔子仁湯 煩躁譫語驚狂發癍

梔子仁

知母

柴胡

黃芩

杏仁各壹錢半

豆豉

石膏各貳錢

大青

赤芍藥各壹錢

升麻 捌分

甘草 伍分

右水煎服

如昏不知久語言無倫者死經曰衣被不斂言語不避親疎者神明之亂也故不可治如初發熱便妄有聞見狀如見鬼而恐怖者不治此證自始至終皆不可有乃神志俱喪軀殼徒存不過引日而已

驚搐

錢瘡疹搐由風火相勝也惟癩疹能作搐疹為脾所生脾虛而肝旺乘之木來勝土熱氣相擊動於心神心喜為熱神氣不安因搐成癩癩子為心所生心生熱熱則生風風屬於肝二藏相搏風火相爭故發搐也治之當瀉心肝補其母枯萸湯主之方見海藏云諸痛癢瘡皆屬於心火無論虛實皆從心火上說脾虛則肝乘之肝與心火相合故用枯萸湯若脾上實火旺逆乘而成癩者此實邪也便結者瀉青丸便軟者瀉青湯亦當以脈別之

翁經曰諸風掉眩皆

屬肝木然痘出之始雖有四藏心實主之心火熱盛
肺金受尅不能制伏肝木熱則生風風火相搏神氣
不安故發驚搐醫者當辨痘疹驚搐不可遽投涼心
之藥苟不審而槩以驚藥治之則心寒而肌斂毒氣
內陷痘何由而出也治法當平肝木利小便爲切要
瀉肝則風去利小便則心熱退風熱既定則痘隨出
而驚搐自愈矣然痘先驚者多吉痘後驚者多凶何
也痘未出之先熱蘊於內故作驚搐痘出驚止而內
無凝滯故吉痘出之後氣血虛弱復感風寒熱毒反
滯又毋敢輕易發散清利故凶然有非痘證而慢驚

者亦屬於肝而治法專理脾土何也蓋由平日或吐
或瀉脾土虛弱不能當肝木所尅此非肝木之本病
也治法只須溫補脾土爲主而肝木自寧譬如土薄
而上有大木不能乘載故無風而自動栽培者當厚
填其土使根深本固而自無風邪之害也痘後有此
證者亦由氣血虛極使然也必爲難治 **疹論挾**
熱吐瀉不可投燥藥傷寒身熱不可投涼藥疹疹發
搐不可投驚藥此皆外同而內異蓋疹疹出於心驚
搐亦出於心也瘡疹本熱熱則動心此理之自然夫
心火獨盛於上肺金受火尅而不能制伏肝木熱則

生風木氣盛則脾土衰熱氣動於心神心喜為熱心
 藏癰脾藏疹瀉肝則風去利小腸則熱退也風熱既
 退則驚搐自愈矣昧者不知投以銀粉腦麝青黛硃
 砂硝石涼心損胃之藥則誤矣故見證似驚風用藥
 當作瘡疹防之蓋瘡疹之初似驚風者多太抵瘡疹
 發驚必先咳嗽痰涎心悸煩躁嘔吐唇紅頰赤發渴
 耳冷足冷脉數舌白如有此數證則銀粉等涼藥切
 不可用蓋心涼則并損胃而毒氣斂伏又况心主血
 寒則血凝而不行且中焦既冷上焦熱愈不降何由
 運出又有小兒平常無病忽然發搐者必是瘡疹尤

當審諦蓋毒氣內盛但當發散如惺惺散消毒散升
 麻湯紅綿散兼以快氣利小便祛風等藥與之待其
 熱氣得泄心氣亦自定矣或有風寒與內熱相搏而
 驚搐者各隨證治如前法但加勻氣藥為妙張氏云
 瘡疹氣勻即出快氣勻則榮衛無滯有毒亦散瘡疹
 當自出矣諸方並見初熱如大吐面青唇眼動手足時搐
 慢脾風證也宜小異功散加升柴木香乾薑治之
 潔凡未出而發搐者是外感風寒之邪內發心熱之
 隨作也當用茶粉下解毒丸犀角地黃湯主之世
 治瘡痘欲出身熱煩躁忽發驚搐宜驅風膏小如聖

發

飲小便不通八正散涎盛利驚丸抱龍丸量證施之
丹欲發瘡疹先身熱驚跳搐搦此非驚風宜發散
藥 醒前證痘疹未見而先發搐者乃毒氣自心經
出也若病勢輕緩或形氣虛弱者不宜用峻厲之劑
恐元氣內損則毒氣內陷而瘡不能起發也或外感
風寒之邪內因瘡疹之熱而相搏或肝血虛火動而
內生風當補元氣為主佐以見證之劑然前方多峻
厲之劑審有是證方可用須察其色赤白而以脾胃
為主虛則用溫補實則用解毒 張痘瘡始作未形
見之間忽發驚搐是毒氣自心經而出也苟不以內

外證辨明之便用銀粉青黛等藥則心寒而毒氣內
陷往往氣絕之際或隱痘方出已無及矣治法但當
以導赤散加防風辰砂末與瀉青丸合而治之搐甚
者抱龍丸如再不止小便利者可治以導赤散送下
牛黃清心丸或粉紅丸小便不利者勿治
惺惺散 初熱 升麻湯 初熱

紅綿散 解表之藥

全蝎 伍箇

白芷

天麻 各貳錢

麻黃 去節

川芎

甘草

殭蠶

桔梗

蘇木 各壹錢

右爲末每服一錢加紅綿少許水煎有熱加荆芥稍熱服一方入薄荷葉二片好酒四五點同煎

羌活散調三製辰砂末加防風荆芥表之方見初熟證治

世麻痘風搐方

人參

羌活

防風

僵蠶醋炒

南星薑製

白附子薑製

甘草炙

右等分生薑三片水煎服其搐立止

右皆解表之劑潔古所謂外感風寒之邪丹溪所

謂宜發散藥者是也

解毒丸

寒水石研

石膏研各壹兩

青黛半兩

右以二石細研如粉入青黛和均湯浸蒸餅爲丸如茱實大每服一丸食後新汲水化下或細嚼薑水下亦可三歲兒服半丸量歲數加減服之

犀角地黄湯失血

柴胡二連丸 治肝經實火

柴胡

宣黃連

胡黃連

右爲末糊丸桐子大每服二三十九白湯下

痘疹 卷五

右解毒涼血瀉肝火之劑有熱者宜之

導赤散 心藏

八正散 小便不利

六一散 熱

右利小便之劑小便不利者宜之然瀉兩火以瀉肝之子乃治驚搐第一要法不獨小便不利者為當用也

紫草快癍散

即加減大紫草散有木通無黃耆方見痘灰白

東垣消毒散

即消毒救苦湯見大法

參耆四聖散

灌膿

八物湯

虛羸

柴胡梔子散

即梔子清肝散見五藏熱

地黃丸

腎藏

小異功散

即四君子湯加陳皮

益氣湯

即補中益氣湯

右皆薛氏所用方大抵主於養脾補腎乃補虛例也

抱龍丸

牛黃清心丸

並見驚搐

粉紅丸

即溫驚丸見慢驚條

右鎮驚豁痰例痰涎潮壅及曾被外物驚者用之錢痘疹病後欲發癍餘瘡難發癍以木勝脾木歸心故也若涼驚用涼驚丸溫驚用粉紅丸萬痘後非時搐搦者有一證一則心熱留而不去熱盛生風風火相傳其人必喉中有痰目直上視面赤引飲居處

痘疹驚風

痘疹

三

喜冷宜導赤散瀉青丸清心瀉肝後以抱龍丸調之
一則病後多食胃弱不能勝穀謂之食蒸發搐其人
必潮熱大便酸臭秘洩不調或嘔吐腹痛先以備急
丸丁香脾積丸利之後用木香大安丸錢氏異攻散
調理取愈 薛一小兒痘痂脫盡因其穢氣用葱椒
煎湯浴之發搐痰喘用八珍加白殭蠶蟬蛻一劑痰
喘頓止又用四君芎歸鈞藤鈞而搐止 一小兒痘
瘡色赤四肢發搐眉唇牽動此心肝二經熱甚乘脾
所致也用四君防風鈞藤鈞而痊 一小兒痘後四
肢發搐眉稜尤動小便頻數臉目青赤此肝經風熱

用四物柴胡山梔少愈但四肢倦怠飲食少思大便
不實此脾氣受傷而未復也用四君升麻當歸而痊
木香一小兒痘後寅卯申酉時熱甚或兼搐余謂寅卯
時發熱此肝火本證申酉時發搐乃肝木侮金先以
四物白朮茯苓鈞藤鈞煎送柴胡二連丸而愈夕用
地黃丸朝用四君山梔柴胡及四君子加當歸而痊
薛一小兒痘瘡色赤發搐痰盛服抱龍丸而頓愈又
因母大怒兒仍搐母服柴胡梔子散加味逍遙散母
亦並愈 一小兒痘愈後發搐左額青赤唇口牽動
余謂肝心二經風熱所致先用柴胡梔子散加鈞藤

痘疹驚風

刀針

七

鈞後用加味道遙散而搗止再用五味異功散而痘愈並一小兒痘將愈發搗痰湧頭目不清脾氣虛弱肝木侮之先用五味異功散加柴胡鈞藤鈞搗愈而

驚心藏 涼驚丸此見 溫驚丸驚搗

導赤散心藏 瀉青丸肝藏

備急丸 丁香脾積丸

木香大安丸此見 柴胡二連丸前見

補中益氣湯 四君子湯

四神丸此見 一味木香散泄瀉

栝藹散 治痘熱極生風發搐

栝藹根貳錢 白殭蠶壹錢

右慢火同炒老黃色為末每服二三分薄荷湯下

保命丹 一切驚風發熱

天麻 鬱金 全蝎去尾

白附子炒 殭蠶薑汁炒 薄荷

蟬蛻 茯神 桔梗各伍錢

防風 甘草 青黛各參錢

大半夏炒滾湯浸曬乾又用薑汁浸曬乾又炒 南星製同上

鈞藤 牛黃研各貳錢 麝香伍分

豆卷 散毒 刀針

辰砂飛伍錢

右末煉蜜為丸茶實大每服一丸燈心湯下

白胡椒
天麻
白芷
...

中風

丹痘風分氣血虛實以日子守之多帶氣血不足
虛則黃耆生血之劑助之略佐以風藥實則白芍
黃芩為君連翹白芷續斷之類為佐若屬寒陳氏方
可用薛前證更當分痘瘡已出未出已靨未靨外
邪所傷內虛火動若未出而搐搦熱毒內蘊也紫草
快癩湯加釣藤鈎已出紅綻而搐搦熱毒作痛也東
垣消毒散加釣藤鈎灌膿而搐搦血氣虛也參耆四
聖散加釣藤鈎若靨後而搐搦血氣尤虛也八珍湯
加釣藤鈎或目睜或直視者風火相搏也柴胡梔子

散或六味地黃丸加柴胡山梔或口角流涎者木乘
土也五味異功散加升麻柴胡鈞藤鈞或目赤眵淚
者肝血虛而生風也四物湯加柴胡鈞藤鈞或角弓
反張者水不生木也六味地黃丸加柴胡當歸隨用
補中益氣湯加天麻鈞藤鈞不可直用治風之藥蓋
風藥能燥血散氣必驗其手足冷熱溫和三證而用
補瀉調理之法庶無誤矣如嬰兒當審乳母而治之
萬痘後忽徧身青黑色手足瘳痲口噤涎潮角弓
反張語言蹇澀者此中風也瘳痘方愈榮衛正弱不
知避忌忽遇節令氣交八方不正之氣乘虛而入故

為此證宜消風散貳錢入蟬蛻末壹錢分為三服投
生薑薄荷汁及酒各數點溫湯浸之連二三服或作
癩疹或再出膚疹而愈

丹楊氏女年十餘歲痘發不透靨落後骨節痛食少
夜間或熱此餘毒在內虛甚難於疎導須在補中
有通此方主之

- 當歸
- 白朮
- 陳皮 各壹錢
- 牛膝 伍分
- 通草
- 甘草根 炙
- 蘇梗 各叁分
- 犀角 貳分

右咬咀生薑三片水煎溫服

男子七歲痘瘡初出不透毒氣攻內骨節作痛兩足

不可直癩痕欠紅活脉浮而和小便赤少

當歸身

白朮各壹錢

陳皮

木通

犀角屑

人參

茯苓各伍分

甘草炙少許

右分二貼煎服

消風散

人參

羌活

川芎

甘草炙

防風

荆芥穗

白茯苓

蟬蛻去土炒

厚朴

白殭蠶炒

陳皮去白

藿香葉各半兩

右為末每服二錢茶清調下

紫草快癩湯見形出不快

東垣消毒散大

參耆四聖散灌膿

八珍湯虛

茱胡梔子散熱

六味地黃丸腎

五味異功散吐瀉

四物湯失血

補中益氣湯虛羸

當歸補血湯治痘瘡血氣虧損發搐熱渴喜飲脉洪

大而虛重按如無者發熱

大面氣重則汗多...
 汗中益於其...
 正氣與皮...
 未始...
 四...
 六...
 六...
 六...
 六...

自汗

自汗者不因發散而自然汗出也衛氣者衛護皮膚肥實腠理禁固津液使不得妄洩也痘疹之火由裏透表于於衛氣皮膚為之緩腠理為之疎津液外泄故自汗也凡病自汗宜遽止之瘡疹初出自汗實為美證乃陰陽氣和榮衛通暢邪氣不留易出而解也又心主汗諸瘡皆屬於心自汗出者毒氣外泄也雖然熱之甚者亦為汗解身復清涼此毒散也若汗出不止其熱反劇此邪氣併於陽而陽虛宜歛汗固表清熱解毒使衛氣充實無瘡場潰爛之患保元湯大

豆卷 自汗

刀平五

八

法當歸六黃湯益汗主之如瘡已收較痂皮脫落
自汗者此氣虛也宜補陽救陰使氣無洩十全大補
湯汗主之若更不止調敗蒲散同服外用溫粉撲法
薛氏云脈後最宜審治若血虛者用當歸補血湯
虛熱氣虛者用四君子湯加黃耆氣血不足者十全
大補湯飲食自汗者小異功散吐瀉加黃連五味子
烏梅肉睡中汗出心有熱也其汗上至頭下至頸
不過胸者乃六陽虛汗也不須治之上至頸下至臍
者此胃虛也保元湯即參者飲不止調敗蒲散同服
自汗者血之所化陰氣不能閉藏所以睡則汗出痘

家當以補血為主若當歸補血湯六味地黃丸八珍
湯人參養榮湯之類皆可因證施治自汗面赤作
渴手足漿漿汗多者胃熱也瀉黃散脾人參白虎湯
發熱加黃連主之諸證退以小異功散加山梔仁麥
門冬調之有食積肉熱自汗者四君子加麴蘖
自汗發搖流涎者肝木侮土也小異功散加釣藤搗
減去釣藤加柴胡主之丹溪謂自汗不妨蓋指初
出并其汗之不甚者言耳若汗出過多最能虛人未
脈之際恐致氣血虛而不能結痂既脈之後尤防血
脫陰虛陽無所附矣汗出如油髮潤如洗喘不休

自汗

八十五

者此為肺絕之候死不治

浮麥散

浮麥不拘多少炒香每服三五錢水煎服治胃虛

自汗

敗蒲散

一名止汗散

用故蒲扇燒灰每服三錢溫酒調下無時服

濕粉撲法

黃連

牡蠣粉

貝母

各半兩

粳米粉

壹升

右為細末傳於身上

失血

萬氣為陽血為陰陽主動陰主靜人身之血不可妄動也經曰陽絡傷則血外溢血外溢則衄血陰絡傷則血內溢血內溢則後血今瘡疹之火薰灼於裏迫血妄行血亦隨火而動陽絡傷則血從上焦出或衄血或嘔血陰絡傷則血從下焦出或溺血或便血陰陽俱傷則血上下出也諸失血惟從鼻出者或有可治之理其餘皆死證也亦有痘瘡灌爛不能收較出血不止者此陽瘡出血亦不可治張所云血之妄行從口從大小便從陽瘡或痘毒而出者悉皆不治

痘疹論
蓋指出之多而不止者言之耳若初出之時苟詳推其因而善為清理豈俱無生者耶 若痘瘡赤痛煩熱作渴或便血或衄血先用犀角地黄湯失血次用加減大紫草散虛灰去黃耆加木通主之 吳氏治諸失血始終用犀角地黄湯加山梔芩連白芍藥有初出時衄血不止用下藥而得効者 薛一小兒痘後非衄血即便血痘痕赤白靡定手指冷熱無常余謂此元氣虛而無根之火倏往忽來也朝用補中益氣湯夕用五味異功散各二十餘劑而愈後因勞心復發仍用前一藥為主佐以十全大補湯而愈

犀角地黄湯 治痘疹併麻疹與衄血便血者可服

牡丹皮

犀角

赤芍藥

生地黃

熱盛者加酒炒黃連 若有瘀血停胸加醋製大黃 若口鼻出血加大薊茅根 若小便去血去大黃加小薊水煎服

三寶散 治痘紫色發熱鼻衄小便如血口渴亂語

犀角

玳瑁

二味磨汁頓服即愈

衄血吐血 薛痘疹方云若痘發之際正宜微見與發

汗同體然血與汗雖殊其源則一蓋痘疹乃穢血所
發邪結肺胃毒氣自然上越也若見此證不可妄投
以藥恐治失其宜瘀蓄者不出而已出者復傷反生
變證也若作渴飲冷手足並熱此毒氣熾盛而血上
溢也宜用聖濟犀角地黄湯若肺經熱毒而鼻衄用
地黃清肺飲胃經熱毒而吐血亦用聖濟犀角地黄
湯若腸胃熱毒而便血亦用之作渴飲湯手足不熱
者脾肺氣虛不能攝血而妄行也宜用五味異功散
若出血作渴煩躁面赤色者血脫也宜用當歸補血
湯 一小兒衄血右寸脉數此肺金有火也用瀉白

散而血止但四肢倦怠用益氣湯而愈 一小兒痘
瘡赤色吐血發熱此胃經熱毒也先用聖濟犀角地
黃湯諸證漸愈又用五味異功散而痊 萬瘡疹發
熱失血皆非佳候但從鼻出者此火刑於肺鼻為肺
之竅宜瀉火涼血清肺以玄參地黃湯調鬱金末加
茅根汁磨京墨汁飲之衄止者佳一向不止者不治
玄參地黃湯

玄參

生地黃

牡丹皮

梔子仁 各壹錢半

甘草

升麻 各半錢

白芍藥 壹錢

痘瘡失血

切斗五

右剉細加炒蒲黃半錢水一盞煎七分去香溫服
斬關散 痘紫發熱鼻紅不止

生地黃

升麻 叁分

牡丹皮

黃芩 各伍分
茅根 各壹錢

右水煎服

便血 凡痘子大便出血者看其血來何如又看是何
時如瘡子正壯大便數日未行血從糞出者此肛門
傷血出也如瘡已收大便膿血者此倒磨之血也非
此一類但溺血便血者乃臟腑敗壞陰血妄行必死

之候 關聞人氏云痘疹大便下血或黑糞若睡而
不醒是為惡候乃內熱盛也用犀角地黃湯抱龍丸
小柴胡湯加生地黃主之竊謂前證若寒熱作渴小
柴胡加生地黃發熱體倦用五味異散加當歸口乾
作渴用人參白朮散大凡作渴引飲發熱者屬實熱
作渴飲湯手足不熱者屬虛熱手足逆冷者屬虛寒
治者審之 一小兒痘瘡下血且不起發先君謂氣
血不足用紫草快癩湯加參耆歸朮血頓止瘡頓起
用八珍湯而愈 一小兒痘瘡下血小便赤色瘡色
如赭發熱飲冷二便不利先君謂心小腸實熱用八

正散後用解毒防風湯痘證治大法及飲芹菜汁而痊
一小兒痘將愈而便血面白惡寒大便欲去而不去
余謂此元氣虛而下陷也用益氣湯不信服涼血之
劑致吐瀉腹痛而歿 一小兒痘將愈患便血面白
惡寒手足竝冷脉沉細如無余謂陽氣虛寒欲用人
參薑桂不從翌日而死手足青黑惜哉 一小兒出
痘三四日大便下血日有數滴至八日不能起御醫
錢春林謂其脾氣虛寒用木香散二劑加丁香十一
粒人參五錢次日痘起有膿由是血止二十餘日而
愈

溺血 痘兩三日而小便溺血者名為沁砂紅蓋因
梟毒轉於心心失其主而血隨毒激故奔散而妄馳
心通小腸注於膀胱而溺血也或如黑豆汁或如蘇
木水痛者易治不痛者難治

主方
木通 生地黃 黃耆
赤藥 犀角 地榆
升麻 紫草 車前葉
燈草
水煎服 痛加甘草稍滑石山梔

余治此痘要在於清心解毒使陰血總歸於榮升
麻黃者貴宜詳察而投不可執方以害人也若便
如黑豆泔者毒已衝心而榮元已離十亡八九致
有冰使澀留結血條如綿線寸長欲尿則號哭痛
不可忍者急用炒山梔末青龍鬚草汁調服再以
木通湯飲之可也

焮裂出血 薛聞人氏云痘瘡太便不通小便如血或
結癰毒身痘破裂乃內火熾盛失於解利急用犀角
地黃湯小柴胡湯加生地黃四順飲之類治之竊謂
前證若心脾熱盛用犀角地黃湯心肝熱盛用小柴

胡湯加生地黃若太便不通先用四順飲次用犀角
湯若色赤焮痛一便不通急用活命飲加諸黃若色
赤焮痛惡寒發熱用活命飲加麻黃若因乳母怒火
用加味逍遙散加味歸脾湯

不能食

灌漿落痂一門參看

凡痘家能食者不問稠密皆吉不能食者痘雖疎亦難發難屬瘡密者危蓋人絕水穀則死表裏皆病則困也有欲食而不能食者必喉舌有痘作痛艱於吞嚼也以爛粥米飲頻頻與之以助脾胃之氣更以甘桔湯加牛蒡子以解咽喉利胸膈也 翁夫痘瘡之出也固賴元氣以發之而元氣之壯也必滋乳食以養之自四五日以至痂落之後飲食不減二便如常雖不起發不紅綻或陷塌用藥得宜可保無虞使乳食減少兼以泄瀉則元氣自此而日衰雖無前證日

痘不能食

刀斗之

七三

後必至藥亦難效去生遠矣故四五日前而不食者此毒盛於裏猶可治也至六七日後而不能食者雜證百出行漿不實雖藥之亦何益哉有稟受壯實又發於五歲之外者又不可以例論也有痘已痂起而不食宜調脾胃若痘起而倍能食乃胃中宿熱消穀能食而大便秘宜四順飲之類微解之恐胃熱不去為口瘡又有脾胃壯實能食太便如常不必服藥此治痘者不可不知所審耶 張不食有虛實之異其人怯弱精神慢而不食或因犯胃氣臟腑自利而不食者為虛當溫養之益黃脾理中吐逆薑附輩主之身

熱中滿而不食者為實當清利之白虎湯發熱五苓散驚輩主之如腹脹不食口角流涎者小異功散主之吐瀉

初出胸前稠密而減食者此毒盛脾弱也宜消毒飲加酒洗紫草山查人參輩已出或因煩渴飲冷過多或誤投涼劑傷冷腹脹大小便利腹中虛鳴不能食者當以溫中藥疎逐冷氣治法見腹脹條有肉實之人皮厚肉密而毒氣難於發越者又當服解毒勻氣之藥凡痘出而飲食少進者多因虛而毒發不透或兼有積滯故也以秘傳大透肌散不加枳實

痘者不能食

切詳五

九三

厚朴服之。飲食不化手足逆冷者脾氣虛寒也。四君子湯加乾薑甚則附子。瘡痂既起則中氣暴虛多不能食只宜四君子輩徐徐調養之。或有瘡痂起而能食者乃胃中宿有蘊熱也。蓋胃熱則消穀故能食更兼大便秘結者宜三黃丸利之。庶不生他變也。然亦有二等脾胃素壯實者亦自能食大便亦不至有秘結之患則不必用此藥也。曆後大小便如常而食少者宜胃愛散小異功散雙和散之類調補。痲落潮熱唇紅口渴不食者四君子湯加陳皮山查黃連渴甚白朮散不解以大連翹

飲去黃芩主之。

脾胃傷於飲食者枳實丸傷食主之。大便酸臭不消

化畏食或吐者枳木丸傷食傷冷飲食者宜溫之神

應丸傷食主之。然神應丸內有巴豆善醫者臨證須

量虛實斟酌少與之庶不壞事。

趙氏治瘡痘不進乳食用白朮苦參湯宿食不消者

陳皮枳實湯如因熱壅不食者二和湯加黃芩胃虛

弱不調而不能食者人參養胃湯麥冬參朮散七珍

散俱可選用或有雜證者去其雜證氣和自能食矣

或大小便秘者利之。

豈不害不能食

切詳五

卷四

四君子湯

人參

甘草各壹兩

白茯苓

白朮

右咬咀用水一盞生薑三片煎四分温服每貼三錢

六神散 治脾胃虛弱津液燥少內虛不食身熱熱

人參

白朮

茯苓

甘草炙

白扁豆炒

黃耆蜜炙

右等分爲細末每服抄二錢用水半盞生薑一片

棗一枚同煎至三分去滓温服之不拘時候身熱甚者加烏梅少許同煎服七珍散 調胃進食

山藥

人參

茯苓

黃耆

白扁豆各壹錢

白朮貳錢

甘草米分

右剉爲麤散加粟米一撮薑一片棗三枚水煎不拘時候温服

人參養胃湯 補脾進食之劑

白朮

陳皮

神麴各壹錢 伍分

豆本不能食

切半

九

人參

茯苓

梔子

黃芩 各壹錢

甘草 捌分

右剉散分爲二服水煎不拘時服

麥冬參朮散 調胃進食兼消積之藥

麥門冬

白朮 各貳錢

陳皮 壹錢

人參

甘草 各壹錢

厚朴 柒分

右剉散分爲二服水煎無時

二和湯 消食扶氣之劑

藿香

香附 各等分

右爲極細末滾水放溫調下二三錢

白朮苦參湯

治小兒患痘不進乳食

白朮

白芍藥

檳榔

訶子

柴胡

青皮 各壹錢

苦參 壹錢

鼠粘子

厚朴

陳皮

砂仁

烏藥

紫草 各壹錢

右剉散每服四五錢水煎食遠服

陳皮枳實湯

治患痘宿食不消

陳皮 壹錢

鼠粘子

厚朴 各壹錢

枳實

青皮

烏藥

紫草茸

砂仁

神麩

檳榔

草菓

桔梗名壹錢

升麻捌分

右剉散每服四五錢水煎食遠服

凡痘瘡飲食之間毋令太饑毋令太飽毋太寒太熱以損脾胃但與糜粥爛飯淡薄滋味以養之切忌肥甘煎炒五辛一切動風動火之物

咳嗽

肺主氣其變動為咳嗽者肺證也瘡疹發熱之初便有咳嗽者肺為五藏之蓋瘡疹之火挾君相二火之勢上熏乎肺肺葉焦舉故氣逆而咳也瘡疹既出其咳更增者此喉嚨有瘡淫淫如癢習習如梗故咳也瘡疹收後而咳者此衛氣虛弱腠理疎開風寒外襲肺氣逆而不收故亦咳也 謹痘疹未出欲出之際乃熱毒上熏清道肺氣不寧宜用惺惺散若已出之後則屬元氣虛弱不能固衛腠理風邪乘虛而襲宜用五味異功散加桔梗五味子以補脾肺

初

痘疹方云痘瘡未出之先咳嗽升麻湯初熱頭疼身熱惡寒咳嗽參蘇飲初熱嘔吐痰涎咳嗽白朮湯時氣頭痛身熱咳嗽惺惺散初熱萬如初發熱咳嗽甚者先以參蘇飲發之次以甘桔湯咽喉合瀉白散肺加牛蒡子治之

甲

凡痘子出盛咳嗽者此肺中有火或咽喉有瘡作癢也只用甘桔湯加牛蒡子多服良如涎唾帶血此咽中瘡或齒縫中出也不須妄治瘡不起發悶亂喘嗽手足寒飲冷者木香散瀉嗽甚別無他證五味子湯如瘡光壯收靨身熱咳甚者人參清膈散主

之如瘡已靨咳嗽者不問形寒飲冷所致並宜入

參清膈散主之

若涕唾稠粘鼻塞不利者乃風邪傷肺也亦惺惺散

參蘇飲主之俱初熱

若痰盛煩躁痘赤壯熱飲冷者乃脾肺實熱也人參

清膈散主之并飲芹菜汁

若痰唾稠粘大便黑色乃胃經熱毒也用犀角湯失血并飲芹菜汁以解之

後

病後餘毒咳嗽者升麻湯初熱感寒頭痛身熱惡寒而嗽者參蘇飲煩熱而嗽者生地黃散風熱咳

痘疹方

卷十五

七

嗽咽膈不利甘桔防風湯喉咽兼喘五味子湯病
後咳嗽脇疼者蓋脇居一身之左右陰陽二氣之所
行也餘毒在中二氣不能升降故脇痛用赤茯苓湯
小柴胡湯發熱加五味子桔梗枳殼等解去毒氣則
真氣行而所苦自平矣

表若痘交七八之期而身發火熱惡嗽連聲鼻竅衝
出鮮血金虛則鳴鼻毒激蕩於太陰之絡故耳以杏
仁伍錢冬花伍錢門冬伍錢瓜萸仁伍錢與梨汁共
煎為膏時取起再加白蜜人乳緊煎數沸納於磁器
內每辰昏進兩匙其效神應歌曰痘中惡嗽衝出

血要識金虛鼻毒徹冬花杏仁與麥門梨汁瓜萸仁
最切熬膏投和白蜜中量數斟加人乳捷去火緊封
磁器內晨昏進服嗽聲歇痘中患嗽極為凶險但
有感冒風邪於肺絡而嗽者不在此犯論易治易痊
若元虛氣鼻甚宜調養而男子時邁十七八歲破陽
損精痘犯於此貴宜按方法服治斯免夭亡矣

白朮湯治咳嗽嘔吐痰涎氣喘通用
白朮壹錢 陳皮
白茯苓
五味子半壹 半夏
杏仁各壹錢
甘草半錢

痘疹 咳嗽 九七

水一盞半生薑三片煎六分分二服

五味子湯 喘促咳嗽通用

五味子 貳錢 人參 麥門冬

杏仁 陳皮 各壹錢

右剉散水一盞煎六分空肚温服兒小者分二服

人參清膈散

人參 柴胡 當歸

芍藥 知母 桑白皮

白朮 黃耆 紫苑

地骨皮 茯苓 甘草

桔梗 各壹兩 石膏

滑石 各壹兩半

右為麤末每服三錢水一大盞生薑三片同煎至

六分去滓温服不拘時量兒大小加減服

生地黄散 治小兒癰疹身熱口乾咳嗽心煩等證

生地黄 半兩 麥門冬 杏仁

款冬花 陳皮 甘草 各壹錢

右每三五錢水煎徐徐服兒大加之若痰氣痘熱

內作宜用桔梗甘草防風湯若痰上壅者佐以抱

龍丸

赤茯苓湯

赤茯苓

升麻

枳殼

大青

梔子各壹錢

右用米一小盞苦竹葉七片豆豉三十粒煎五分

分爲二服看兒大小加減

桔梗湯治久嗽肺氣傷而吐痰有血痰或腥穢或

咳吐膿血肺癰等證

桔梗炒

貝母去心

知母

桑白皮

枳殼各壹錢

地骨皮

瓜蒌仁

薏苡仁

杏仁各伍分

當歸

黃耆微炒

防己各壹錢

五味子

百合炒各壹錢伍分

葶藶炒伍分

右每服三五錢水煎服

喘

諸喘皆屬於火肺者藏之長也為心華益心火炎上則肺焦葉舉氣逆不利而喘也有因風寒而喘者有因傷食而喘者惟瘡疹之喘獨屬於火若加洩利腹脹煩躁則不可治如初發熱便喘者前胡枳殼湯主之大便祕者可用服此不止以葶藶丸治之如喘而大便自利者黃芩湯痘腹痛加五味子人參主之痘出後喘急痰盛宜杏甘湯人參清膈散嗽咳瘡已出未靨之間喘渴白朮散渴甚者木香散審寒之證左可用之右如瘡正盛忽然喘急者此惡候也當詳審

痘疹喘

凡十一

百二

之如因傷食穀氣蒸而為熱上乘於肺作喘者宜利
之丁香脾積丸傷食主之食去熱除喘自定也如
因感冒風寒而喘者麻黃湯主之如泄瀉內虛腹
脹而喘者陳氏木香散瀉主之利止喘定者生滑利
不禁喘滿增盛者此氣脫候也收磨後腹脹喘渴
大便利小便澀葶藶木香散喘而嗽五味子湯
喘渴磨後餘毒不除大便堅實前胡枳殼散
錢氏法喘而腹滿大小便澀者利小便不瘥者宣風
散痘發下之海藏法瘡疹肺不利紫草甘草枳殼
湯陳氏法痘出之間或氣促者木香散主之薛

氏法脾肺虛弱白朮散渴脾肺虛寒木香散濕
熱毒內蘊紫草甘草枳殼湯風邪外感參蘇飲初
內外壅滯人參清膈散喘大便自利小便澀滯
葶藶木香散大便堅實前胡枳殼散
杏甘湯治瘡痘煩喘渴躁

麻黃 桑白皮 杏仁
甘草 杏仁
麻黃湯 右等分為麤末每服三錢水一盞煎食後服
麻黃 杏仁 甘草各等分

三十五 四十五 百三

石膏 倍用

右剉細加臘茶葉一錢水一盞煎七分去香服無時一方無石膏有桑白皮

園前胡枳殼湯 治痰實壯熱胸中壅悶卧則喘急

前胡

枳殼

赤茯苓

甘草 炙各伍錢

大黃 量白兒加減

右咬咀每服三錢水一盞煎六分旋服

葶藶丸

甜葶藶

黑牽牛 炒

杏仁 研

漢防已 各壹兩

便利小

右為末入杏膏取蒸陳棗肉和搗為丸如麻子大每服五丸至七丸淡生薑湯下葶藶木香散 治大便自利小便澀滯喘嗽腹脹不能食宜多服為妙

豬苓

澤瀉

茯苓

白朮

官桂

葶藶

木通

木香

甘草 各半錢

滑石 貳錢

右剉散水一盞煎半盞空肚溫服忌油膩分為二服

三蒼端

刀圭

百四

紫草甘草枳殼湯

紫草

甘草

枳殼各等分

右每服一二錢水煎

葛根黃芩湯

治喘有汗發熱咳嗽不

乾葛

黃芩各貳錢

黃連

芍藥

石膏各壹錢

五味子拾壹粒

甘草伍分

水煎服

五味子湯

治喘促而厥多

五味子壹錢

人參壹錢

麥門冬

杏仁各貳錢

右薑三片棗三枚水煎服

六味涼血消毒散

犀角如無用升麻

牡丹皮

當歸

生地黃

赤芍藥

生甘草各等分

右每服三五錢水煎

右爲末分二服水一小盞煎六分食後時時與之
八風散 卽八風湯

藿香 半兩 去土

白芷

前胡 去蘆 各壹兩

黃耆

甘草 炙

人參 各貳兩

羌活

防風 各叁兩

右爲末每服壹錢用薄荷少許煎湯調服

涼膈散 發熱

十奇散 卽十宣散 見起發

有心火刑肺而失音者肺屬金主聲中有二十四空
凡發諸語言者皆其空中之氣鼓動也五行金空則
鳴實則啞瘡疹之火起於心上熏於肺肺氣脹鬱故

竅塞而無聲也以導赤散 合甘桔湯 咽喉 加炒牛

勞子主之或用人參平肺散 若津液不足虛火熏

蒸者宜用地黃丸 腎

有毒歸腎而失聲者經曰足之少陰上繫於舌絡於

橫骨終於會厭會厭者音聲之戶也舌者音聲之機

也橫骨者神氣所使主發舌者也瘡黑陷伏則毒入

腎邪氣上客於厭則厭不能發發不能出開闔不利

故猝啞也 有喉舌潰爛而失聲者咽喉者所以司

呼吸納飲食發音聲猶管籥也毒火上熏咽喉先受

賁門會厭舌腭之位皆瘡所聚初出之時失於調治

以致咽喉腫塞管竇窄狹舌本強硬呼吸不能飲食
不入音聲不出矣此上二證治之則難
若七日後痘瘡成漿之際而失音者乃氣喉有痘初
出細小不覺及至肌表之痘成漿喉中之痘亦成漿
其毒壅盛則氣出管竇窄狹故所出之聲不清而為
咽啞也大率七日前失音者並為逆證七日後而有
者不治自愈蓋外痘結痂則喉之痘自痊故也當用
甘桔湯服於已發未發之前所以清其氣道使毒不
犯此預治之法不可不知
若痘瘡屬後而失音者餘毒過盛上攻於咽以致腫

痛乾澀聲音不出宜甘露飲咽喉 甘桔防風湯咽喉

天花散玄參升麻湯咽喉 主之

天花散治痘疹後失音

天花粉

桔梗

茯苓

訶子

石菖蒲

甘草各伍錢

右為極細末用水調在碗內小竹七莖小荆芥七

莖縛作一束點火就碗內煎臨睡服每服一錢

清肺散治患痘咽乾聲啞

麻黃壹錢伍分

麥門冬

桔梗各貳錢

知母

荆芥

天花粉各壹錢

訶子

菖蒲各捌分

右剉分爲二服入竹瀝薑汁水煎服

梔子菖蒲湯 治小兒痘證因熱毒生風瘡啞不語

梔子壹錢

石菖蒲

紫草茸各壹錢

山豆根

生犀

黃連各壹錢

羌活

木通

白殭蠶

杏仁

韭子

鼠粘子各壹錢

升麻

蟬蛻

薄荷柒分

右剉散每服五錢水煎食遠服

紫河車散 治小兒痘瘡毒氣不解上攻咽喉聲音

不出舌頰生瘡過逆煩悶潮熱面赤

紫河車

卽金線重樓

茜根

貫衆

各叁錢

白芍藥

甘草

炙各伍錢

右每服三錢生薑一片水煎服

一方有牛蒡子

噲化丸

薄荷葉

貳兩

訶子肉

柒錢

桔梗

壹兩

甘草

柒錢

瓜蒌皮穰

壹兩

白殭蠶

炒柒錢

風化硝

伍錢

黍粘子

炒壹兩

右爲極細末煉蜜丸如茶實大噲化噲津兒小不能噲則調化頻抹其口中

素齋然能受清虛之氣而不受有形之物喉上有物
若懸乳名曰會厭凡物入口則舌抵上齶舌抵上齶
則會厭必掩其喉故水穀但入咽而不入喉若痘生
會厭則木強不利開闔矣乾物間可入咽而水飲或
漏入喉所以噎也噎者猶云錯喉氣須藥補湯藥不
入則無補法故不可治。○第七日以前痘色紅紫而
兼此證者乃火氣炎上熱毒壅塞故也痘色灰白不
起而兼此證者乃氣血虛弱肺胃受傷故也二者俱
是逆證七日以後外痘蒸長光潤而有此證者是內
證亦長故致如此外痘結痂則內證亦屬矣不洽自

愈善治者當察毒盛之痘於其咽喉乾燥之先而用
甘桔湯解毒湯加麥冬瓜蒌皮穰牛蒡子玄參荆芥
之類以清氣道不使熱毒有犯則自能免此患矣
袁氏治噎逆歌曰痘中噎逆最凶危沉香濃汁杏仁
推還把蜂糖多和水按經煎透瀘查隨欲服晨時加
好乳湯中溫熱漸調之。余每詳察痘噎者乃元氣
耗鑠鼻炎上升故致噎逆準恪後方

人乳壹鍾人參壹錢桔梗壹錢枇杷葉叁片共煎
瀘查服乳或用沉香磨人乳服者雖効總不若此
方之屢見捷也

得土氣溫煖而生吐瀉則傷脾土遂有更變之證夏
月中暑煩渴瀉或腹痛或欠筋用五苓散驚加藿香
傷食吐瀉用小異功散吐瀉手足並冷者用益黃散
脾荳蔻丸泄利頂陷灰白用木香散渴瘡正出而吐
瀉者或見血者俱為逆證難治竊謂前證雖因脾胃
不和然邪實上焦則宜吐邪實下焦則宜瀉如吐瀉
噎腐吞酸皆宜宣發但微甚不同耳張翼之云若痘
疹吐瀉少食為裏虛陷伏倒靨灰白為表虛二者俱
見為表裏俱虛合用十二味異功散救之見形甚至
薑附靈砂亦可用若止裏虛去官桂止表虛減肉豆

蔻若能食便秘倒靨為裏實而補當用錢氏及丹溪
法下之皆為能食為裏實裏實而補則結癰毒紅活
綻凸為表實表實而補則潰爛不結痂凡痘見癰便
忌葛根湯恐發表虛也如有更變當隨證治之張
吐瀉有冷熱二證吐而不渴瀉而手足冷面色青白
此冷證也益黃脾理中輩主之或四君子加木香豆
蔻亦妙既吐且渴雖瀉而手足心熱面赤居處喜冷
此熱證也五苓散驚竹葉石膏湯痘瀉加橘皮等主
之大吐而身熱煩渴腹滿而喘大小便澀面赤悶亂
錢氏云此當利小便不瘥者宣風散痘發熱下之百問

痘疹吐利
刀針五
百五

方用香蘇飲吐加半夏茯苓白芍瀉加白木茯苓煩
躁嘔吐渴瀉者亦熱也白木散渴最當紫草木香湯
亦可

理中湯

人參

白朮

乾薑

白茯苓

甘草節各等分

右咬咀用水一盞煎伍分不拘時服如惡寒加附
子名附子理中湯每貼二錢半

香蘇飲 治小兒痘疹作瀉

香附子

陳皮

紫蘇

川芎

甘草

白芷各等分

右剉散每服三錢生薑葱白煎或白水煎瀉加白

朮茯苓嘔加茯苓白芍藥

紫草木香湯 治痘出不快大便泄利

紫草

木香

茯苓

白朮各等分

甘草減半

一方無甘草

右剉散入糯米百粒水煎服每貼三錢紫草能利

大便白朮木香佐之脾氣虛者加人參

人參胃愛散 治痘瘡已發未發吐瀉不止不思飲

食或吐逆等證

痘瘡

痘瘡

痘瘡

人參

藿香

紫蘇

甘草

丁香

茯苓

木瓜

糯米

右每服三錢薑棗水煎

初發熱自利而吐者黃芩加半夏湯主之

吐利所出之物如吐酸水者利色黃或青綠者其氣

臭者皆熱也若吐清痰之水利下清白不臭未可作

熱治之乃內虛也四君子湯加訶子肉及益黃散

一云痘欲出未出而吐利者是中焦停寒或挾宿

食也四君子湯加砂仁橘紅或中和散有宿食者用

紫霜丸

發熱時吐瀉不止身熱口渴者四苓散

加黃連淡竹葉煎服

黃芩加半夏湯

黃芩

甘草

白芍藥

半夏

生薑

大棗

右剉細水一盞煎七分溫服渴去半夏加枇杷

葉去毛炙貳錢蘆根茅根各叁錢

中和散治中焦停寒或挾宿食

厚朴

白朮

乾薑

甘草

豆卷吐利

刀針五

百六

右剉細作一服加生薑一片水煎稍熱服

起脹灌膿時吐利竝作宜急治之胃寒者益黃散理中湯胃熱者黃芩半夏湯調四苓散

屬後吐瀉亦分冷熱冷者亦宜益黃理中輩熱者四苓散竹葉石膏湯痘漏加橘皮或竹茹湯亦可

竹茹湯

橘紅

半夏

白茯苓

黃連

甘草

竹茹

葛根

壹錢 壹錢 伍分

右水一鍾生薑二片煎五分不拘時溫服分一貼

和中湯 虛吐不止即鎮胃止吐湯加入參

人參

茯苓

甘草

白朮

半夏

陳皮

藿香

砂仁

右用生薑水煎服

藿香正氣散 治初熱乾嘔

藿香

紫蘇

大腹皮

陳皮

桔梗

甘草

茯苓

半夏

厚朴

白芷

三五卷吐利

刀斗五

百七

痘疹

右薑棗煎服

凡瘡痘已經大吐大瀉之後上下俱脫即當用大補之劑縱有他證皆以虛論庸醫每不顧入元氣用藥剋削而致天枉者滔滔皆是可恨也

吐逆

胃為水穀之海止通乎咽內而不出如初發熱有吐逆之證此火邪犯胃其氣上逆治之則易若自出現以至收靨有是證者乃瘡集於咽門攻於胃脘吞嚥不利治之則難由於不知預解咽喉之法漸變為失音嗆水而不可救矣
初虞世云痘瘡吐逆無痰益黃散脾胃有痰二陳湯痰飲或橘皮半夏湯不止者加丁香胃寒者宜之胃熱宜加藿根藿根茅根茅根枇杷葉枇杷葉黃連黃連若吐而瀉者亦宜益黃散及陳氏木香散異功散吐而身熱煩渴腹滿喘大小便澀向赤者當利小便不瘥者宜風散下之痘發熱

痘疹

痘疹

痘疹

薛前證若手足並冷渴飲熱湯或腹作痛中氣虛寒也宜用益黃散手足不冷吐逆痰涎中氣虛弱也宜用橘皮半夏湯手足並熱熱毒壅滯也宜用導赤散口乾飲乳不徹胃經氣熱也宜用竹茹湯吐逆不乳或吐乳酸穢此脾氣虛而乳食停滯也宜用枳木丸如初發熱暴吐不止此火氣上逆也茱連散主之

黃連半兩 吳茱萸貳錢

右二味同炒研細末每服半錢生薑湯調服
橘皮湯

橘皮半兩白半兩 半夏壹錢 白茯苓壹錢

右剉細加生薑五分水一盞煎七分去香溫服

橘皮湯治嘔吐不止飲食不入

陳皮 生薑各壹錢 人參伍分

右水煎作三四次服之

橘皮半夏湯

橘皮 半夏等分

右每服三錢薑棗水煎

如因飲水過多而嘔吐者此水逆也五苓散主之
如因傷食而嘔吐者以丁香脾積丸微利之

五苓散吐逆 五苓散 百五

如無上證而嘔歲者人以胃氣為本胃者土也土敗則木來侮之今木挾相火之勢上乘乎胃其氣自臍下直犯清道上出於賁門胃上口也微則乾嘔甚則噦土敗之象也太素曰絃絕者其聲嘶敗木陳者其葉落病深者其聲噦短鍼無取毒藥無攻謂不治也

附方

丁香煮散 治脾胃虛冷嘔吐不食

丁香不見

紅豆

甘草

乾薑

青皮

川烏去皮

陳皮

良薑

胡椒

益智各等

右剉散每服三錢用水一盞生薑二片煎六分加

鹽一捏不拘時服

加味鼠粘子散

治咽中有瘡作嘔

桔梗

射干

山豆根

防風

乾葛

陳皮

荊芥

連翹

水煎細細呷之

燈心竹葉湯

治乾嘔

竹葉參拾

燈心參拾

立吞吐逆

切十五

百三

水煎服

祕方治嘔吐并吐瀉不止水穀不納者速効
用多年竈心赤色土為細末每服一錢米飲調下
小兒只一錢

[Faint bleed-through text from the reverse side of the page]

瀉利

凡瀉未出而利者邪氣併於裏腸胃熱甚而傳化失常也黃芩湯主之
如自利清白色者為裏寒理中湯主之

黃芩湯

黃芩 壹錢半

甘草 炙壹錢

白芍藥 陸錢

右剉細加大棗二枚水一盞煎七分温服食前

瘡已出而利者邪氣併於表正氣方逐邪氣主乎表而不主裏則裏氣虛不能停納水穀故亦自利也宜從氣虛而治

此湯治瀉利

尤味理中湯倍入

黃耆白芍藥

九味理中湯

人參 貳錢

白朮

乾薑 炮

訶子肉

茯苓

木香

藿香葉

肉豆蔻 煨

甘草 炙各壹錢

水煎食前通口服

瘡疹所忌內虛泄瀉凡覺腹疼或漉漉響趨小腹者皆欲作利宜先以法治之九味理中湯治之不止此開腸洞泄惟澀劑可以收之藿香葉丸不止則用真鴉片配蓮肉粉止之庸醫每不敢用澀藥恐澀往邪氣不知邪氣之盛莫如傷寒而張仲景治挾熱自利每用石脂蓋澀劑之去滑

寒劑之去熱熱劑之去寒是謂對證之藥今既將泄不已自當收澀又何疑焉如服澀劑而又不止則根本已撥無能為矣經曰倉廩不藏者是門戶不要也金匱要略曰六腑氣絕於外者手足寒五臟氣絕於內者利不止五奪之中此為最甚但正氣內脫者淹延而死邪氣內陷者煩渴而死此為異耳

陳氏豆蔻丸

治痘疹泄瀉

木香

砂仁

白龍骨

訶子肉

肉荳蔻 煨 各半兩

赤石脂

枯白礬 各半錢

右爲末糊丸如黍米大一歲二十九三歲白丸温
米飲下瀉止勿服

自起發以至收靨大便常宜堅實忽然自利者理中
湯丸主之

理中湯丸

人參

白朮

甘草

乾薑各等分

右剉碎水二盞煎一盞去渣温服若欲爲丸研細
末煉蜜丸如彈子大每用一丸白湯化下

參朮丸治小兒脾胃傷冷外熱裏寒不思飲食身

常壯熱大便或溏色白或患瘡疹身有大熱因食
冷物或冷藥過度或瀉或腹脹或已出瘡疹癩白
無血色此由裏寒脾胃伏冷榮衛不行致令毒氣
內伏不出宜服之其瘡癩白無血色者皆從癩白
四圍紅暈再起作膿結痂而愈

人參

白朮

乾薑炮

甘草各一分

右爲細末米糕泡糊爲丸如麻子大每服百餘丸
温水吞下或米飲亦得乳食前服前世之書如仲
景諸論治傷寒云輕者用理中湯重者用四逆湯

此乃胃足陽明經而感寒邪脾胃乃為中州之府
故用理中湯曰辛甘發散為陽以退寒邪也理中
湯煉蜜丸而嚼下曰理中丸蓋添蜜甘以入脾胃
嚼而便化於中焦今參朮丸以粳米糕為丸取其
難化服在脾胃滲漉漸得消化則中焦得煖脾土
喜燥其熱自歸此所以能治熱也

胃主腐熟水穀大腸主傳送已化之物故食多少可
以知人穀氣之虛實太便滑澀可以知人臟腑之冷
熱大便如常是亦瘡疹之一順也如起發之時忽然
泄瀉此宜急止之恐腸胃虛真氣脫也須辨冷熱虛

實如瀉而手足冷面色青白瘡不紅綻者冷證也理
中湯丸豆蔻丸益黃散脾甚則陳氏木香散異攻散
快皆可用也瀉下之物黃又酸臭渴手足心熱面
赤瘡紅綻焮發者熱證也黃芩湯五苓散驚主之脾
胃怯弱精神慢而不食者為虛當溫養之益黃散身
熱中滿渴而不食者為實當清利之五苓散其人或
藏氣自脫或因服寒藥致令瘡毒陷入大腸瀉下如
豆汁或便膿血或便黑汁口內臭氣唇焦目閉加腹
脹者必死之證

如因飲冷水自利者所謂濕勝則濡泄也宜溫中利

小便以理中丸温中以五苓散利小便去水
如因傷食自利者所出酸臭所謂飲食自倍腸胃乃
傷也宜先去其積丁香脾積丸傷食後補脾胃益黃
散脾

如結痂之時暴泄不止者消息所出之物痂皮膿血
者順水穀不分者逆如利膿血不止者此熱毒下流
也香連丸主之

香連丸 一名香楸丸

黃連

壹兩以茱萸煎錢

木香 半兩

石蓮子

取肉貳錢半 陳皮 半兩

右為末醋調神麩糊為丸如麻子大每服二三十
丸陳倉米湯下

渴

丹陳牙兒十九歲出痘有紅癩吐瀉而渴

- 蒼朮 壹錢
- 白朮 叁錢
- 陳皮 貳錢
- 黃耆
- 茯苓
- 甘草 炙
- 確砂
- 當歸 各壹錢半

薑三片同煎服

從十六七歲時患瘡痘發熱微渴自利一小方脉視
之用木香散每貼又增丁香十粒予切疑焉觀其出
遲因問自利而氣弱察其所下皆臭滯陳積因腸胃

熱蒸而下也恐非有寒而虛遂急止之已投一貼矣
繼以黃連解毒湯加白朮與十貼以解丁香之熱利
止瘡亦出其後肌常有微熱而手足生癰癢與涼劑
調補踰月而安一男子十餘歲出痘熱時出根脚
密嘔吐不食腰背骨節痛大渴喉痛腹亦痛全不食
者半月餘脉浮弦洪而數與參耆歸朮炙甘草陳皮
半茯苓薑煎服之至五日色淡又加桂些少歸耆再
用酒製至七日瘡甚加丁香參粒附子些少瘡止至
八日九日渴大作而腹泄瀉瘡甚至十日寒戰遂用
白朮爲君耆陳芩炙甘草歸爲臣至十一日不瘡或

瘡或譫語但守前藥半月後自吐出痰多而安

陳十一味木香散 治疹痘腹脹渴其効如神必須審察

的是寒證六脉虛細身不甚熱或發寒或嘔吐
肚腹痛或身體四肢俱冷者可用此方出集驗

木香 大腹皮 人參

官桂 赤茯苓 青皮 去白

前胡 訶子皮 半夏

丁香 甘草 炙各
參兩

右咬咀每服二錢水一盞薑三片煎空心温服

異功散集驗方瘡痘頭温足冷腹脹瀉渴出方見痘
不快

不渴 海瘡疹不渴藏寒下利四君子加乾薑減半主之

三蒼湯

刀圭

七

痘疹大便不固痘漸黑陷小兒乳母同服

人參

白茯苓

肉豆蔻

黃耆各半兩

甘草炙貳錢

右咬咀每服一錢水半盞薑五片棗一枚煎二分

乳母倍服若太瀉手足厥冷加附子用驗

治中散 虛寒瀉利不進飲食

黃耆

人參

茯苓

白朮

川芎

當歸

肉桂各伍錢

肉豆蔻麩包煨熟取去油

丁香壹錢半

木香叁錢

右爲末每五歲用五分好執酒調下衣被蓋煖少頃痘變紅活而起

大小便閉

劉提點云疹疔最要大小腑分曉所以錢氏四聖散用木通枳殼極妙若大小腑自流利則不必苦泥萬凡瘡疹小便欲長大便欲實經曰小便數者大便必鞭雖二三日不更衣無苦也如小水少則病進蓋心主瘡而屬火心移熱於小腸小腸移熱於膀胱膀胱為津液之府氣化則出氣為火食不能傳化而津液不出故小便閉也瘡疹發熱大便欲潤若二三日不行宜急利之恐腸胃不通榮衛不行瘡出轉密也惟瘡起發之後大便却宜堅實如能食而大便常行

者不須忌之若過四五日不行則熱盛生濕其瘡難
醫亦宜微利之設使大小便俱不通則邪毒內畜三
焦阻絕經曰二息不運則機緘窮故大小便不通者
死

凡痘子裏大小便自調則裏氣和無留邪也故小便
宜長而清如小便赤澀導赤散心小便短少八正散
瘡出太密小便不通者連翹湯蓋瘡子發熱不可驟
去惟利小便以折其鬱如痘稠密小便少者此氣血
衰少津液虛耗非熱也不可利之及損真陽之氣十
全大補湯汗主之能食者大便宜潤有人必有出也

不能食者大便宜實存舊穀氣以養血氣也如四五
日不行大便結燥者用膽導法導之不通以三黃丸
微利之如大結腹脹者以三乙承氣湯下之如大
便泄瀉即止之蓋痘瘡裏氣實恐瀉得脾胃虛也
輕則理中湯丸瀉利益黃散肝豆蔻丸甚則陳氏木
香散利俱瀉異功散快出不主之

聞人氏云痘出正盛喘促腹滿手掌心并腋下有汗
或譫語妄言小便赤而大便不通者小承氣湯傷寒
之類下之若面赤黃大便秘澀小便少而或嘔者宜
小柴胡湯發熱熱甚而榮衛閉塞則毒氣彌蔓如裏

痘疹大小便閉

刀十五

百九

毒盛者大便不通小便如血如表毒盛者或為癰瘡
身上破裂此皆因不曾解利之故俱宜犀角地黄湯
失血失血小柴胡湯加生地黄四順飲發熱牛黃散腹痛
紫雪大科薑救之若毒凝血聚瘡成黑色大小便秘
喘急煩躁者治法見驗色條

治大小便俱不通以皂莢燒灰存性為末米飲調下
葵子末壹合水一盞煮至半鍾入豬脂半兩空心
服

小便不利痘疹方云痘疹未出之先小便不利熱盛
者恐欲起驚用導赤散心微解之熱入膀胱如右

血淋犀角地黄湯血失初出不快小便赤澀四聖散

見形出已出而赤澀白朮散渴加木通五苓散加

木香丹溪用五苓散收靨之後小便不利煩熱而

渴豬苓散後痘茵前證當分所因若小腸熱結用導

赤散肝經熱用柴胡麥門冬湯後痘脾經熱用犀

角地黄湯肺經熱用生地黄湯痘咳腎經熱地

黃丸腎靨後氣血虛弱用八珍湯虛中氣虛弱

用五味異功散吐瀉茵凡瘡疹小便少者熱微導赤

散加山梔仁執甚八正散主之

八正散治下焦積熱大小便不通或小便淋澀脈

小便不通

證俱實者

大黃 酒炒

車前子 炒

瞿麥

蒲蓄

山梔 炒

木通 各壹錢

滑石 煨貳錢

甘草 壹錢

木通 各壹錢

右每服二錢水煎

滋腎丸

黃檗 炒黑

知母 炒黑各貳兩

肉桂 壹錢

右為末水糊丸

黃芩清肺飲

黃芩 炒

山梔 炒等分

右每服二錢水煎

紫草木通湯 治痘瘡出不快小便不利

紫草

人參

木通

茯苓

糯米 各等分

甘草 減半

右水煎服

通關散 此藥通心經利小便

山梔仁

大黃 炒各壹分

木通

甘草 多

車前子 炒

赤茯苓

瞿麥

人參

滑石 各叁分

扁蓄 炒伍分

豆卷 大小便閉

刀斗五

直正

連翹湯

右剉細用冰一盞燈心十根煎半盞温服

連翹

防風

瞿麥

荆芥穗

木通

車前子

當歸

柴胡

赤芍藥

白滑石

蟬蛻

黃芩

山梔子

甘草各伍分

右剉細加紫草五分水一盞半煎一盞去渣食前温服

紫草冬葵湯 治小便不通毒氣閉塞

紫草茸

山梔子

黃芩各壹錢

秦朮

苦參各壹錢

冬葵子壹錢

露蜂房

白茯苓

木通

白芍藥

澤瀉

車前子各壹錢

蟬蛻捌分

右剉散每服四五錢水煎食遠温服如急數莖中痛者加甘草稍捌分苦棟子壹錢如痛甚欲死者加川牛膝壹錢參分如有赤如血色者加胡黃連壹錢參分如溺血者加當歸壹錢川芎壹錢龍骨火煨兔絲子各壹錢紅甚者加生地黃白溺者

加使君子各壹錢參分黃連壹錢壹分韭子研壹錢貳分濁甚者加桑螵蛸壹錢

大便秘薛陳文宿先生云痘疹四五日不大便以肥豬胰白水者熟切豆大五七塊與食之滋潤臟腑瘡痂易落切不可妄投宣利之藥恐真氣內虛瘡毒入裏如六七日身壯熱不大便其脉緊盛與三味消毒飲見形微利之竊謂前證若毒在肌肉而未能盡發脉浮而緊者最宜此藥疎解其毒若脉沉而緊者宜用前胡枳殼散喘疎通毒氣以絕其源若口舌咽喉腫痛瘡毒甚也用射干鼠粘子湯咽喉若大便既通

實當歸丸

作渴飲湯脾胃氣虛也用人參白朮散渴凡燥在直腸不能下者宜用豬膽汁導之忌用疎利之劑恐復傷胃氣則瘡未出者不能發出已出者不能灌屬太抵分辨虛實當以手足冷熱或飲水飲湯驗之萬如發熱時大便不行熱微者二黃丸發熱甚則承氣湯主之如起發至收靨大便不行者用膽導法不可遽用利藥但瘡乾黑陷大便秘煩躁者以百祥丸牛李膏黑陷主之如無此藥以承氣代之

當歸 半兩

甘草 壹分

黃連

五寶 大小便閉

切寸五

百祥丸

大黃各貳錢半

先將當歸熬膏子又藥末三味為丸加服之以利為度

棗變百祥丸 治癰疹大便秘結

紅牙大戟去骨壹兩

青州棗拾枚

右用水二盞同煎至水盡為度去大戟將棗焙乾

可和作劑旋丸從少至多以利為度

洗心散 治痘瘡壯熱大小便不利狂言多渴

大黃

甘草

當歸

麻黃去節

白朮

芍藥

荆芥各等分

右咬咀量病輕重多少薑薄荷煎溫服則平熱服則瀉

三乙承氣湯

大黃

芒硝

厚朴

枳實各壹錢

甘草伍分

右剉細水一盞加生薑一片煎至七分去香食前熱服

膽導法

用大豬膽壹枚以鷲翎筒兩頭截齊一頭入膽中

虛

線牢札定吹令氣滿納入穀道中直待氣通取出
加味四君子湯

人參

白朮

黃耆

白茯苓

甘草

瓜蒌根

桔梗

各等分水煎服海藏以此治瘡疹已出未出大
便秘澀或時發渴蓋有病者或因稟受不足或因
吐瀉之後或因汗多或利小便元氣既虛津液乾
涸不得潤滑而致大便秘澀者若妄行疎利何異
操刀必須此藥治之醫家切宜詳審勿令誤也

潤腸湯 治虛秘

當歸梢

甘草

生地黃

火麻仁

桃仁泥

水煎服

紫草麻仁湯

治瘡疹大便不通致毒氣閉塞

山豆根

紫草 各壹錢 壹分

鼠粘子

露蜂房

生犀

青皮

桃仁

麻仁

側柏葉

黃芩 各壹錢

杏仁 壹錢 貳分

右劉散每服四五錢水煎食遠服秘甚者加烏梅

大小便

刀手

五三

肉菜分不巳再加冬葵子壹錢伍分

五卷
目錄五
百五
山
水
...

内閣文庫		
番號	漢	13011
冊數	65 (48)	
函號	301	63